



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

**Odbor za javna priznanja
Kantona Sarajevo**

Broj:01-04- 1388 -5/24
Sarajevo, 04.04.2024.godina

**SKUPŠTINA KANTONA SARAJEVO
n/r Sekretara**

PREDMET: Odluke Odbora za javna priznanja Kantona Sarajevo -dostavljaju se.

Poštovana,

U prilogu ovog akta dostavljamo Vam Odluke o dodjeli javnih priznanja Kantona Sarajevo, koje verifikuje Skupština u skladu sa članom 6. Zakona o javnim priznanjima Kantona Sarajevo.

S poštovanjem.

PREDSJEDAVAJUĆI ODBORA

Elvedin Okerić

Prilog: Odluke Odbora za javna priznanja sa obrazloženjima(16x)



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

1/1



**CANTON SARAJEVO
ASSEMBLY**

Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana, donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, **Udruženju boraca-maloljetni dobrovoljci odbrambeno-oslobodilačkog rata '92.-'95 Kantona Sarajevo**, kao priznanje za izuzetan doprinos u odbrani Kantona Sarajevo, države Bosne i Hercegovine i njenih civilizacijskih vrijednosti, te za doprinos na resocijalizaciji, rehabilitaciji i integraciji boračke populacije u društvo.

II

Ova odluka objavit će se u “Službenim novinama Kantona Sarajevo”.

Broj:
SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

**Odbor za javna priznanja
Kantona Sarajevo**

Broj:01-04-1388-4/24
Sarajevo, 03.04.2024.godina

Na osnovu člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 03.04.2024.godine, donio je

**ODLUKU
O DODJELI PLAKETE
KANTONA SARAJEVO**

I

Udruženju boraca-maloljetni dobrovoljci odbrambeno-oslobodilačkog rata '92.-'95 Kantona Sarajevo, dodjeljuje se Plaketa Kantona Sarajevo kao priznanje za izuzetan doprinos u odbrani Kantona Sarajevo, države Bosne i Hercegovine i njenih civilizacijskih vrijednosti, te za doprinos na resocijalizaciji, rehabilitaciji i integraciji boračke populacije u društvo.

II

Ova odluka dostavlja se Skupštini Kantona Sarajevo na verifikaciju.

PREDSJEDAJUĆI ODBORA

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

5/14

DANIJELA KRISTIĆ, zastupnica u Skupštini Kantona Sarajevo

KANTON SARAJEVO

Odbor za javna priznanja Kantona Sarajevo

Ul. Reisa Dž. Čauševića br.1 , Sarajevo

n/r Sekretarka Skupštine Kantona Sarajevo

**PREDMET: Inicijativa za dodjelu javnog priznanja Kantona Sarajevo za kolektiv – PLAKETA
KANTONA SARAJEVO s obrazloženjem**

Poštovani,



U skladu sa Javnim pozivom **dodjelu javnog priznanja Kantona Sarajevo** za 2023. godinu predlažem Udruženje boraca – maloljetni dobrovoljci odbrambeno-oslobodilačkog rata '92. – '95 Kantona Sarajevo u oblasti društvenih djelatnosti.

Obrazloženje:

Udruženje boraca – maloljetni dobrovoljci odbrambeno-oslobodilačkog rata '92. – '95 Kantona Sarajevo (UB-MDR KS) je prvo Udruženje koje je osnovano 2010. godine i koje okuplja najveći broj bivših malodobnih demobilisanih dobrovoljaca, boraca, borkinja, branitelja sa područja Kantona Sarajevo. Nakon toga se pristupilo i daljnjim pravnim koracima, te je 22.11.2021. godine upisano u Regisatr boračkih udruženja pri Ministarstvu pravde i uprave Kantona Sarajevo.

Misija UDRUŽENJA BORACA - MALOLIJETNI DOBROVOLJCI ODBRAMBENO-OSLOBODILAČKOG RATA '92-'95 KANTONA SARAJEVO (UB-MDRKS) je podići stepen društvene reintegracije i resocijalizacije članova udruženja na mnogo viši nivo od sadašnjeg, kroz njihovo jače međusobno povezivanje i zajedničko uključivanje u socijalne, ekonomske i sve druge životne tokove, doprinijeti normalizaciji ukupnih društvenih odnosa u Bosni i Hercegovini i regiji.

Skenderija br. 5, 71000 Sarajevo  E-mail: info@narodipravda.ba

Telefon: +387 33 860 860  ID: 4202505180000  Šifra djelatnosti: 94.92

Račun br. Raiffeisen Bank: 1610000197720058

Kratkoročni prioritetni cilj UB-MDRKS je poboljšanje informisanosti o socijalno-ekonomskim pitanjima, problematici i trenutnom statusu ratnih veterana – bivših maloljetnih dobrovoljaca s obzirom da u poziciji njihove apsolutne društvene isključenosti i egzistencijalne ugroženosti.

Pokušavaju utjecati na poboljšanje informisanosti u zapošljavanju članova UB-MDRKS, njihovom medicinskom zbrinjavanju, stipendiranju njihove djece, te drugim osnovnim ljudskim pravima koja im pripadaju, kao što je, osim pobrojanih prava na rad, medicinsku zaštitu, obrazovanje...

Srednjoročno, paralelno s medijskim djelovanjem, uključuju se u realizaciju konkretnih projekata vezanih za poboljšanje ekonomsko-socijalnog statusa članova UB-MDRKS, kao što je njihovo uključivanje u različite kulturne, sportske i ekonomske aktivnosti, koje bi se potom, principom spojenih posuda prelilo i na sve ostale kategorije stanovništva, odnosno društvo u cjelini.

UB MDR KS radi na konsultiranju medicinskih stručnjaka koji svojim konkretnim savjetima mogu pomoći članovima UB-MDRKS u prevazilaženju ili barem ublažavanju njihovih psihičkih i fizičkih problema uzrokovanih ratom. Rade na promoviranju pozitivne prakse iz drugih zemlja Evrope i svijeta koji imaju ratno iskustvo, odnosno susreću se s pitanjem reintegracije ratnih veterana u društvene tokove, kako bi i na taj način nadležnim domaćim institucijama pokušali sugerirati najbolja rješenja vezana za boračku problematiku.

Dugoročni cilj osnivanja UB-MDRKS je stvaranje samoodrživog Udruženja.

Procjena je da na području Kantona Sarajevo u odbrambeno-oslobodilačkom ratu 92-95 je učestvovalo do osamstotina (800) maloljetnih dobrovoljaca sa različitom dužinom trajanja učešća u Armiji RBiH, MUP-u.

Nezvanični i neslužbeni podatak da je preko 2000 maloljetnika učestvovalo i angažovano u ratu u Bosni i Hercegovini govori o ozbiljnosti ovog fenomena. Također, ne postoje službeni podaci o njihovoj starosti i spolu. Ipak, činjenica je da im je prekinuto djetinjstvo, sa trajnim traumama i onemogućen normalni mladalački razvoj. Prema Istraživačko-dokumentacionom centru (IDC) iz Sarajeva, nevladinoj organizaciji koja prikuplja relevantne podatke o ljudskim gubicima u ratu u BiH, 661 maloljetni vojnik između 10 i 18 godina starosti ubijen je u ovom ratu.

Naravno, sve te tada mlade generacije 1974., 75., 76., 77., 78., 79., 80. su poprilično iznijele rat i to u najvećem postotku završili u jurišnim, udarnim, manevarskim, izviđačkim, diverzantskim, lahkim jedinicama.

Udruženje boraca – maloljetni dobrovoljci odbrambeno-oslobodilačkog rata '92. – '95 Kantona Sarajevo pokušava da se bivšem maloljetnom dobrovoljcu organizuju sportske aktivnosti, medijski nastupi, kulturni događaji čime će se vratiti čast, ponos, dignitet. Kada je počela agresija na Bosnu i Hercegovinu, što je potvrđeno i presudama Međunarodnog suda u Hagu, mladost je sve što su maloljetni dobrovoljci imali. Dešavale su se historijske promjene u Bosni i Hercegovini i naravno

„Sarajevski Maloljetni borci“ su odlučili dati doprinos odbrani porodice, doma, mahale, naselja, grada, tada međunarodno priznate države Republike Bosne i Hercegovine.

Prema spisku koji je objavljen na web stranici www.maloljetniborci.ba u Sarajevu je tokom najduže opsade u moderenoj historiji ratovanja poginulo preko 223 maloljetna dobrovoljca, borca, branitelja... To nije samo spisak sa brojevima, slovima, datumima rođenja, to je spisak sinova naše domovine, spisak mladosti, spisak pun srčanosti, nevinosti.

Povećani broj maloljetnih dobrovoljaca, boraca u Armiji Republike BiH, posebno u Sarajevu je pokazatelj da je riječ o fenomenu gdje je sarajevska mladost osjetila da se mora braniti grad od agresije. Snage međunarodno priznate Bosanske vlade nije imala pripremljenu strategiju za rat, niti organizovanu vojsku, tako da su svi bili dobrodošli. Sarajevska mladost je dala svoj doprinos u odbrani od post-fašizma.

Sarajevski Maloljetni borci su kao državljani Bosne i Hercegovine ostavili značajan moralni, razvojni, kulturni, društveni trag i dali doprinos u historiji Kantona Sarajevo kao i glavnog grada Bosne i Hercegovine i Federacije Bosne i Hercegovine.

„ Sarajevski Maloljetni borci „ predstavljaju grupu pojedinaca koji su se u periodu 1992-1995 dobrovoljno okupili u historijskom momentu Bosne i Hercegovine i Grada Sarajeva – Kantona Sarajevo na realizaciji poslova i zadataka s rezultatima koja se mogu okarakterisati kao značajna ostvarenja, odnosno da su dali značajne rezultate i doprinos u odbrani civilizacijskih vrijednosti Kantona Sarajeva.

Važno je istaći činjenicu da Maloljetni dobrovoljci, borci, branitelji, da ti nekada mladi organizmi - djeca nisu bili u dovoljnom psiho-fizičkom kapacitetu za podnošenje ratnih trauma. Osjećaj straha nije bio dovoljno razvijen. Mozak je bio još u fazi razvoja, ako bi se desila neka povreda, ona bi bila mnogo ozbiljnija, nego kao kod odraslih, što potvrđuju medicinska istraživanja.

Prekid obrazovanja, koji je podrazumjevao odlazak iz školskih klupa, u blato, glib, tranšeu, vučiju jamu, vodu, mem, snijeg, led, za posljedicu je imao da oko 80 % maloljetnih boraca-vojnika nije završilo započeto školovanje. Nakon potpisivanja Dejtonskog mirovnog sporazuma pojedini bivši maloljetni borci su se opet potrudili i sustigli i postali doktori nauka. Postoje primjeri, da nekadašnji maloljetni borci, danas ti ljudi u 40-im godinama života, ne mogu dobiti posao, jer ne mogu dobiti ljekarsko uvjerenje!?

Članstvo UB MDR KS čine veterani koji su dobrovoljno kao maloljetnici pristupili u redove ARBiH i MUP-a R BiH, dobar dio njih nije nastavio školovanje poslije rata sto je rezultiralo da je većina njih sa srednjom školskom spremom koji rade uglavnom manuelne poslove u ugostiteljstvu, trgovini građevini itd. Također, ima i jedan dio članova koji su zbog PTSP-a psihički oboljeli te nisu sposobni

za rad i samostalno privređivanje. Naravno, ovdje treba istaći da većina njih ima porodice sto dodatno otežava njihove socijalne prilike.

Udruženje boraca – maloljetni dobrovoljci odbrambeno-oslobodilačkog rata '92. – '95 Kantona Sarajevo (UB-MDRKS) okuplja preko 400 maloljetnih dobrovoljaca sa područja Kantona Sarajeva te u svom decenijskom radu sa članovima bivšim sarajevskim maloljetnim dobrovoljcima, borcima, braniteljima, borkinjama upoznata sa značajnim doprinosom, statusom, problematikom.

Udruženje boraca – maloljetni dobrovoljci odbrambeno-oslobodilačkog rata '92. – '95 Kantona Sarajevo (UB-MDRKS) je prepoznatljivo kao jedino udruženje boraca u Bosni i Hercegovini, regionu, svijetu koje je pokretač mnogih mirovnih inicijativa u Bosni i Hercegovni i regionu. Organizator i realizator najbolje evaluiranog Projekta „Djeca rata – djeci mira“ iz kojeg je rođen dokumentarni film „Djeca rata – djeci mira“.

Istoimeni dokumentarni film se prikazuje u prime-time terminima na vodećim televizijama u Bosni i Hercegovni i regionu, čija je osnovna poruka važnost i značaj stanja mira, očuvanje mira i vrijednosti koje donosi mir. Svim navedenim aktivnostima i projektima bivši sarajevski maloljetni borci učestvuju u izgradnji mira, na putu su izgradnje mira za sve nas i našu djecu i našu mirnu budućnost.

Bivši sarajevski maloljetni dobrovoljci, borci, borkinje, branitelji kroz Udruženje boraca – maloljetni dobrovoljci odbrambeno-oslobodilačkog rata '92. – '95 Kantona Sarajevo svojim aktivnostima i projektima kratkoročnog, srednjoročnog i dugoročnog karaktera pokušavaju i danas rade na resocijalizaciji, rehabilitaciji i integraciji vulnernabilne boračke populacije u društvenu sredinu.

Smatramo da fenomenu sarajevskih Maloljetnih dobrovoljaca, boraca, borkinja, branitelja treba dodijeliti ovu nagradu kao potvrdu doprinosa i kao trajni zalog veze između njih i grada, kantona u kojem su rođeni za kojeg su dali svoje živote i kojem su poklonili najbolje godine svojih života.

Udruženje boraca – maloljetni dobrovoljci odbrambeno-oslobodilačkog rata '92. – '95 Kantona Sarajevo ili “ Sarajevskom Maloljetnom borcu ” se treba dodijeliti Javno priznanje građana Kantona Sarajeva i time potvrditi čast, ponos, dignitet zlatne generacije sarajevskih Maloljetnih dobrovoljaca, boraca, borkinja, branitelja.

Lijep pozdrav,

Sarajevo 12.03.2024.godine

Zastupnica u Skupštini KS

Daniela Kristić